

舊

譯

大方廣佛華嚴經卷第九

一百五
坐九

大方廣佛華嚴經卷第九

東晉天竺三藏佛陀羅等譯

梵行品第十二

尔時正念天子白法慧菩薩言佛子一切世
 界中諸菩薩摩訶薩信家非家出家學道捨
 離俗飾被服法衣彼諸菩薩云何方便修習
 梵行具足菩薩十住道地速成無上平等菩
 提尔時法慧菩薩答正念天子言正徐雅士此菩
 薩摩訶薩一向專求無上菩提先當分別十
 種之法何等為十所謂身身業口口業意意
 業佛法僧戒應如是觀為身是梵行耶乃至
 戒是梵行耶若身是梵行者當知梵行則不
 清淨當知梵行則為非法當知梵行則為渾



濁當知梵行則為臭惡當知梵行則為穢汗
當知梵行則為塵垢當知梵行則為諂曲當
知梵行則為八萬戶蟲若身業是梵行者當
知身四威儀則為梵行左右顧眄舉足下足
則為梵行若口是梵行者當知音聲則為梵
行當知語言則為梵行當知觸心則為梵行
當知舌動則為梵行當知唇齒和合則為梵
行為口業是梵行耶若口業是梵行者當知
語言則為梵行當知所說作無作稱譏毀譽
則為梵行若意是梵行者當知覺觀憶念不
忘思惟幻夢等悉為梵行若意業是梵行者
當知想是梵行施設是梵行寒熱飢渴苦樂
憂喜等悉是梵行若佛是梵行者為魚目似
耶為受想行識是佛耶為三十二相八十種

憂喜等悉是梵行者若佛是梵行者為色身佛
耶為受想行識是佛耶為三十二相八十種
好是佛耶為一切神通業報是佛耶若法是
梵行者為正教是法耶為寂滅離涅槃是法
耶為生非生是法耶為實非實是法耶為虛
妄是法耶為合散是法耶若僧是梵行者為
向須陀洹果是僧耶為得須陀洹果是僧耶
為向斯陀含阿那含阿羅漢果是僧耶為得
斯陀含阿那含阿羅漢果是僧耶為三明六
通是僧耶為時解脫是僧耶為非時解脫是
僧耶若戒是梵行者為戒場是戒耶為十眾
是戒耶為問清淨不清淨是戒耶為戒師是

戒耶為三羯磨和尚是戒耶為剃髮法服乞
食是戒耶菩薩摩訶薩當如是觀察十種法
又知過去無所至未來無所有現在無作者
無知者無受報者此世不至彼世彼世不至
此世為何等法是梵行法為在何處誰
有是梵行法此梵行法為是有耶為是無耶
為是色法耶為非色法耶為是受想行識法
耶為非受想行識法耶菩薩摩訶薩正念無
障礙觀察分別三世諸法平等猶如虛空無
有二相如是觀者智慧方便無所罣礙於一
切法而不取相一切諸法無自性故於一切
佛及諸佛法平等觀察猶如虛空是名菩薩

坐

古華嚴卷九

二

徐雅

摩訶薩方便修習清淨梵行又復修習增上
十法何等為十所謂是處非處智去來現在
諸業報智一切諸禪三昧正受解脫垢淨起
智衆生諸根智隨諸欲樂智種種性智至一
切處道智無障礙宿命智無障礙天眼智斷
習氣智是為十如是觀察如來十力甚深無
量具足長養大慈悲心悉分別衆生而不捨
衆生亦不捨寂滅行無上業不求果報觀一
切法如幻如夢如電如響如化菩薩摩訶薩
如是觀者以少方便疾得一切諸佛功德常
樂觀察無二法相斯有是處初發心時便成
正覺知一切法真實之性具足慧身不由他悟
大方廣佛華嚴經初發心菩薩功德品第十三
尔時天帝釋白法慧菩薩言佛子初發心菩

大方廣佛華嚴經初發心菩薩功德品第十三

尔時天帝釋白法慧菩薩言佛子初發心菩薩為成就幾功德藏法慧荅言佛子是處甚深難知難信難解難說難通難分別雖然我當承佛神力具足演說佛子假使有人供養東方阿僧祇世界衆生一切樂具乃至一劫然後教令淨修五戒南西北方四維上下亦復如是佛子於意云何彼人功德寧為多不帝釋言佛子除諸如來其餘一切不能稱量彼人功德法慧菩薩語帝釋言佛子初發心菩薩功德之藏百分彼人功德不及其一分百千分億分百億分千億分百千億分百

那由他分千那由他分百千那由他分億那
由他分百億那由他分千億那由他分百千
億那由他分乃至不可數不可譬喻不可說
分彼人功德不及其一佛子復置此喻假使
有人供養十方各十阿僧祇世界衆生一切
樂具乃至百劫然後教令淨修十善教十善
已又復供養一切樂具乃至千劫然後教令
淨修四禪教四禪已又復供養一切樂具至
百千劫然後教行四無量心又復供養一切
樂具乃至億劫然後教行四無色定又復供
養一切樂具至百億劫然後教令得須陀洹
果又復供養一切樂具至千億劫然後教令

坐古華卷九

三

徐雅

得斯陀舍果又復供養一切樂具至百千億劫然後教令得阿那舍果又復供養一切樂具至億那由他劫然後教令得阿羅漢果又復供養一切樂具至千億那由他劫然後教令盡成緣覺佛子於意云何彼人功德寧為多不帝釋白言佛子彼人功德唯除諸佛其餘一切悉不能知法慧言佛子初發心菩薩功德之藏百分千分乃至不可數不可譬喻不可說分彼人功德不及其一何以故佛子一切諸佛初發心時不為供養十方各十阿僧祇世界衆生一切樂具百劫乃至千億那由他劫故出興於世亦不為教令所衆生淨修五戒十善四禪四無量心四無色定須陀洹果斯陀舍果阿那舍果阿羅漢果辟支佛

修五戒十善四禪四無量心四無色定須陀
洹果斯陀含果阿那含果阿羅漢果辟支佛
道故出興於世欲不斷佛種故發菩提心欲
充滿十方一切世界故發菩提心欲悉度脫
一切衆生故發菩提心欲悉知一切世界成
壞故發菩提心欲悉知一切世界中衆生垢
淨起故發菩提心欲悉知一切世界自性清
淨故發菩提心欲悉知一切羣生虛妄煩惱
習氣故發菩提心欲悉知一切衆生生死此
彼故發菩提心欲悉知一切衆生諸根方便
故發菩提心欲悉知一切衆生心心所念故
發菩提心欲悉分別三世一切衆生故發菩

提心欲悉知一切諸佛平等境界故發菩提
心佛子復置此喻假使有人於一念頃能過
東方無量世界彼人以此自在神力從此東
行盡無量無數阿僧祇劫猶不能得世界邊
際又第二人神力自在於一念頃能過前人
無量無數阿僧祇劫所行世界此第二人從
此東行盡無量無邊阿僧祇劫猶不能得世
界邊際又第三人神力自在於一念頃能過
前人無量無數阿僧祇劫所行世界又第四
人神力自在於一念頃能過前人無量無數
阿僧祇劫所行世界又第五人神力自在於
一念頃能過前人無量無數阿僧祇劫所行

世界又第六人神力自在於一念頃能過前
人無量無數阿僧祇劫所行世界又第七人
神力自在於一念頃能過前人無量無數阿
僧祇劫所行世界又第八人神力自在於一
念頃能過前人無量無數阿僧祇劫所行世
界又第九人坐古華卷九神力自在於一念頃能過前人
無量無數阿僧祇劫所行世界又第十人徐雅神
力自在於一念頃能過前人無量無數阿僧
祇劫所行世界彼第十人以此最勝自在神
力從此東行盡無量無數阿僧祇劫猶故不
得世界邊際十方世界亦復如是如是展轉
乃至百人其人以此最勝自在神力於無量無數
阿僧祇劫所至十方尚可了知得其邊際初
發心菩薩功德之藏不可得知可以故初發

阿僧祇劫所至十方尚可了知得其邊際初
發心菩薩功德之藏不可得知何以故初發
心菩薩不為齊限為余所世界眾生故發菩
提心悉為十方一切世界眾生故欲度一切
眾生故欲分別知一切世界故發菩提心欲
知微細世界即是大世界知大世界即是微
細世界知少世界即是多世界知多世界即
是少世界知廣世界即是狹世界知狹世界
即是廣世界知一世界即是無量無邊世界
知無量無邊世界即是一世界知無量無邊
世界入一世界知一世界入無量無邊世界
知穢世界即是淨世界知淨世界即是穢世

界於一毛孔中悉分別知一切世界於一切
世界中悉分別知一毛孔性知一世界出生
一切世界知一切世界猶如虛空欲於一念
知一切世界悉無有餘故發阿耨多羅三藐
三菩提心佛子復置此喻假使有人於東方
無量無邊阿僧祇世界於一念中悉分別知
成敗之數此人精勤方便念念次第於無量
無數阿僧祇劫欲盡筭知東方世界成敗之
數猶不能知又第二人於第一人無量無數
阿僧祇劫所筭世界成敗之數於一念中悉
能了知此人精勤方便念念次第於無量無
邊阿僧祇劫猶不能盡知東方世界成敗之

坐 古華卷九

五

徐雅

數如是展轉乃至第十彼第十人於第九人
無量無邊阿僧祇劫所算世界成敗之數於
一念中悉能了知此人精勤方便念念次第
於無量無邊阿僧祇劫猶不能盡知東方世
界成敗之數乃至十方亦復如是十方無量
無邊世界成敗之數尚可了知初發心菩薩
功德之藏不可得知何以故初發心菩薩摩
訶薩不為齊限知尔所世界劫數成敗故發
菩提心菩薩摩訶薩欲悉了知一切世界劫
數成敗故發菩提心欲知長劫即是短劫短
劫即是長劫知一劫即是不可數阿僧祇劫
不可數阿僧祇劫即是一劫知一切有佛劫
知一切無佛劫知一佛劫中有無量佛知無
量佛劫中有一佛知異劫中有無異劫知無

知一切無佛劫知一佛劫中有無量佛知無
量佛劫中有一佛知異劫中有無異劫知無
異劫中有異劫知有盡劫是無盡劫知無盡
劫是有盡劫知無量劫即是一念知一念即
是無量劫知一切劫入無劫知無劫入一切
劫欲悉了知過去未來際及現在一切世界
劫數成敗故發阿耨多羅三藐三菩提心是
名菩薩初大誓莊嚴所謂悉知一切劫智慧
照明佛子復置此喻假使有人於一念中悉
知無量無邊阿僧祇世界衆生種種欲樂此
人精勤方便念念次第於無量無數阿僧祇
劫不能盡知東方一切世界衆生種種欲樂

如是展轉至第十人此第十人於第九人無
量無數阿僧祇劫精勤方便所知衆生種種
欲樂於一念中悉能了知此人如是精勤方
便念念次第無量無數阿僧祇劫猶不能盡
知東方一切世界衆生種種欲樂乃至十方
亦復如是如是十方無量無邊阿僧祇世界
衆生種種欲樂坐古華卷九尚可了知初發心菩薩功德
之藏不可得知何以故佛子初發心菩薩不
爲齊限欲知尔所世界衆生種種欲樂故發
菩提心欲悉知十方一切世界衆生種種欲
樂故發阿耨多羅三藐三菩提心欲知種種
無量欲樂即是一欲而亦不壞一切欲性欲

悉知一切衆生欲樂海欲知一衆生欲即是
一切衆生欲欲悉知一切衆生去來現在種
種欲樂欲悉知相似欲不相似欲欲知一切
欲即是一欲一欲即是一切欲欲得具足如
來種種欲樂力欲知有上欲無上欲有餘欲
無餘欲等欲不等欲有所依欲無所依欲共
欲不共欲有邊欲無邊欲善欲不善欲世間
欲出世間欲大智欲淨欲勝欲無礙智欲無
礙智佛解脫欲清淨欲不清淨欲廣欲狹欲
細欲麤欲故發阿耨多羅三藐三菩提心欲
悉知一切衆生一一衆生有十種欲所謂因
苦生欲方便欲希望欲著味欲隨因生欲隨

緣生欲盡欲一切欲初發心菩薩摩訶薩欲
悉分別了知此諸欲網故發阿耨多羅三藐
三菩提心佛子復置此喻假使有人於一念
中悉知無量無邊阿僧祇世界衆生種種諸
根以此智慧精勤方便念念次第於無量無
數阿僧祇劫不能盡知東方一切世界衆生
種種諸根廣說乃至悉知一切衆生一一衆
生有十種根佛子復置此喻假使有人於一
念中悉知東方無量無邊阿僧祇世界衆生
種種希望廣說乃至悉知一切衆生一一皆
有十種希望佛子復置此喻假使有人於一
念中悉知無量無邊阿僧祇世界衆生種種

方便廣說乃至悉知一切衆生一一皆有十
種方便佛子復置此喻假使有人於一念中
悉知無量無邊阿僧祇世界衆生念念心意
廣說乃至悉知一切衆生一一皆有十種心
佛子復置此喻假使有人於一念中悉知無
量無邊阿僧祇世界衆生種種諸業廣說乃
至悉知一切衆生一一皆有十種業佛子復
置此喻假使有人於一念中悉知東方無量
無邊阿僧祇世界衆生種種煩惱此人精勤
方便念念次第於無量無數阿僧祇劫猶不
能知東方一切衆生種種煩惱如是展轉乃
至第十此第十人於第九人無量無數阿僧

坐古華卷九

七

徐雅

祇劫所知衆生種種煩惱於一念中悉分別
知此人精勤方便念念次第於無量無數阿
僧祇劫猶不能盡知一切衆生種種煩惱乃
至十方亦復如是尔所世界一切衆生種種
煩惱尚可知初發心菩薩功德之藏不可
得知何以故佛子初發心菩薩不為齊限欲
知尔所世界衆生種種煩惱故發阿耨多羅
三藐三菩提心欲悉分別了知一切衆生種
種煩惱故發菩提心所謂欲悉知輕煩惱重
煩惱結使煩惱纏煩惱一一衆生無量煩惱
一切衆生種種覺觀煩惱依無明煩惱愛相
應煩惱貪欲不善根煩惱瞋恚不善根煩惱
愚癡不善根煩惱等分煩惱一切煩惱根本
煩惱我我所煩惱我慢煩惱邪憶念虛妄生

愚癡不善根煩惱等分煩惱一切煩惱根本
煩惱我我所煩惱我慢煩惱邪憶念虛妄生
煩惱因身見生六十二見等諸煩惱蓋煩惱
障礙煩惱欲悉了知一切衆生煩惱惑網具
足大慈大悲一切種智故發阿耨多羅三藐
三菩提心佛子復置此喻假使有人於一念
中悉見東方無量無邊世界現在諸佛及彼
一切衆生此人悉能恭敬禮拜尊重讚歎一
心觀察種種供養無量上味餽餼飲食香華
瓔珞繒綵幢蓋上妙宮殿嚴飾帳幔寶網羅
覆衆寶莊嚴師子之座此人精勤方便念念
次第以如是等衆妙供具無量無數阿僧祇

劫供養諸佛又復勸教彼諸衆生以如是等
衆妙供具於無量無數阿僧祇劫供養諸佛
彼諸如來般涅槃已復爲一一諸如來故以
無量寶起塔供養其塔高廣二周滿無量無邊
世界又以上妙衆寶而莊嚴之一一塔中有
無量無數如來形像彼諸形像光明普照無
量無邊諸佛世界又復勸彼一一衆生爲諸
如來起衆寶塔嚴好如前十方世界亦復如
是佛子於意云何彼人功德寧爲多不帝釋
答言彼人功德唯佛乃知餘無能及法慧答
言佛子初發心菩薩摩訶薩功德之藏百分
千分乃至不可數不可譬喻不可說分彼人

坐

古

花

卷九

八

徐

雅

功德不及其一佛子假使有人於第一人及
所勸衆生精勤方便念念次第無量無數阿
僧祇劫所作功德諸供養具於一念中皆悉
能辦此人如是精勤方便念念次第於無量
無數阿僧祇劫供養功德廣說如前如是展
轉乃至第十人廣說亦復如前初發心菩薩
摩訶薩功德之藏百分千分乃至不可數不
可譬喻不可說分彼人功德不及其一何以
故佛子彼菩薩不爲齊限供養尔所如來故
發阿耨多羅三藐三菩提心欲悉供養十方
法界虛空界等世界中三世諸佛故發阿耨
多羅三藐三菩提心發是心已得知盡過去

際諸佛無障礙智得信盡未來際諸佛功德
得知盡現在際一切諸佛所說智慧彼三世
一切諸佛功德此菩薩摩訶薩悉皆信向受
持修習得證身證悉等諸佛一切功德何以
故初發心菩薩摩訶薩欲不斷一切諸佛性
故發菩提心欲令慈悲心充滿一切世界衆

卷九

九

佛

生悉無餘故欲悉度脫一切世界衆生故欲悉知
一切世界成敗故欲悉知一切世界衆生垢
淨起故欲令三有衆生悉得清淨故欲悉知
一切衆生心念煩惱習故欲悉知一切衆生
死此生彼故欲悉知一切衆生諸根方便故
欲悉知一切衆生心心行故欲悉知一切三

世衆生故欲悉知三世諸佛具足功德故欲
悉知三世諸佛無上菩提故欲悉知三世諸
佛具足淨法故欲悉知三世諸佛法平等相
故欲悉知三世諸佛無上智慧因緣清淨故
欲悉知長養三世諸佛智慧力故欲悉具足
三世諸佛無畏法故欲悉具足莊嚴三世諸
佛不共法故欲悉得法界等無量無邊三世
諸佛平等智慧故發阿耨多羅三藐三菩提
心何以故此初發心菩薩即是佛故悉與三
世諸如來等亦與三世佛境界等悉與三世
佛正法等得如來一身無量身三世諸佛平
等智慧所化衆生皆悉同等悉能震動一切

世界悉能普照一切世界悉能休息一切世界諸
惡道苦悉能嚴淨一切世界悉於一切世界
示現成佛悉令一切衆生皆得歡喜悉令一
切衆生解深法界悉能護持諸佛種性悉得
諸佛智慧光明彼初發心菩薩摩訶薩常不
遠離三世諸佛及諸佛法一切菩薩緣覺聲
聞及所行法世間出世間法衆生及衆生法
專求菩提智慧無礙

初發心菩薩功德品下

尔時佛神力故說初發心菩薩功德藏力故
十方各萬佛刹塵數世界六種震動雨衆天
華天香天末香天鬘天寶天莊嚴具自然演

出微妙樂聲又復震吼師子之音放大光明
普照十方忸時十方各過十佛刹塵數世界
有萬佛刹塵數諸佛悉号法慧各現其身示
法慧菩薩而告之言善哉善哉佛子善說初
發心菩薩功德之藏我等萬佛刹塵數如來
亦悉演說發心菩薩功德之藏十方世界一

切諸佛亦復如是法慧菩薩說是發心菩薩
功德藏時萬佛世界塵數衆生皆得初發心
菩薩功德之藏發阿耨多羅三藐三菩提心
我等今者悉授彼記於未來世各於十方一
時成佛同号淨心如來應供等正覺我等悉
當護持此法普爲未來諸菩薩故如此妙女婆

世界四天下閻浮提菩提樹下須彌山頂妙
勝殿上敷演此法教化衆生十方世界千億
那由他不可量不可數不可思議無有邊際
不可說法界虛空界等諸世界中亦說是法
教化衆生彼說法者悉名法慧佛神力故佛
本願力故顯示佛法故智慧光明普照故解
第一義故法如是故諸菩薩歡喜故讚歎諸
佛功德故悉知諸佛平等故解法界無有二
故今時法慧菩薩普觀十方普觀一切大衆
觀虛空界觀成就衆生界不違業報清淨如
虛空界欲拔三有垢穢衆生欲令衆生得廣
解脫欲知種種諸根等觀三世正趣涅槃及

現自身甚深清淨諸功德故承佛神力以偈頌曰

大慈大悲心 充滿十方界 分別諸佛刹

佛法及三世 欲具佛功德 菩薩法藏海

饒益眾生故 初發菩提心 欲悉分別知

虛空等法界 一切群生類 諸佛及佛法

欲得一切佛 諸道至處力 成就不退轉

饒益諸群生 一切眾生中 常起大慈悲

遠離瞋恚念 修習饒益心 慈光照十方

為眾作歸依 諸佛悉護念 功德難思議

欲悉分別知 一切諸佛刹 如來妙法身

甚深難思議 無量功德藏 智慧甚深廣

因是初發心 專求佛菩提 欲悉分別知

一切眾生類 十方世界中 智慧無障礙

麁細諸世界 或狹廣無量 一切中知一

一切衆生類

十方出界中

智慧無障礙

麁細諸世界

或狹廣無量

一切中知一

一中知一切

菩薩於彼行

精勤不放逸

苦樂無馱著

欲度衆生故

一切佛現前

樂觀無馱足

悉入甚深法

無量功德海

五道諸群生

愍之如一子

令除衆垢穢

具足清淨法

欲令諸佛種

究竟不斷絕

降伏一切魔

摧滅無有餘

平等觀如來

三世諸法相

甚深微妙法

常修不放逸

菩薩常樂觀

一切佛境界

是故諸如來

甘露慧灌頂

信心不可沮

堅固如金剛

於諸如來所

知恩而報恩

最勝之境界

無量智慧光

自悟不由他

菩薩初發心

悉能分別知

五道眾生欲

種種諸業報

一切心所行

知諸根利鈍

無量無數性

一切勝境界

菩薩初發心

菩提心無量

清淨法界等

無著無所依

無染如虛空

成就佛智慧

其心無障礙

諦了真實際

寂滅離虛妄

了達眾生心

而無眾生想

方便分別法

究竟到彼岸

無量無數劫

悉能分別知

往詣諸佛刹

明解甚深法

若能分別知

無量諸佛法

清淨法界藏

諦了無疑惑

深解眾生根

究竟到彼岸

平等觀諸法

則與如來等

清淨無量心

常在諸佛前

恭敬而尊重

供養人師子

親觀一切佛

樂觀無厭足

彼諸如來等

常在諸佛前

恭敬而尊重

供養人師子

親覲一切佛

樂觀無厭足

彼諸如來等

護念此菩薩

於諸深妙法

分別無障礙

無著無所依

心淨如虛空

彼知人師子

智慧海深廣

寂然入正受

三世觀無礙

堅固不可沮

一切莫能壞

專念無上道

未曾有斷絕

離闇趣明正

志學諸善法

常樂觀寂滅

具足真實性

寂默語言道

平等無異觀

於法不分別

是則從如生

悉能分別知

諸佛深境界

寂然入正受

三達無障礙

十方世界中

一切諸佛刹

菩薩自在力

一念悉周遍

無量不可數

方便悉具足

普遊十方界

是名真佛子

具足大悲心

清涼除渴愛

大慈念一切

方便悉具足
具足大悲心
無礙如虛空
悉已離虛妄
常施以無畏
常說甚深法

普遊十方界
清涼除渴愛
於彼衆生類
清淨遊十方
如此真實行
清淨無所著

是名眞佛子
大慈念一切
不生衆生想
於彼諸群生
是則等如來
是故十方佛

一切悉護念
次第悉憶念
一切十方界
深智正觀察
磨滅無堅固
菩薩悉除滅

過去未來世
具足分別知
悉能普周遍
明了無障礙
一切衆生類
安住法性中

無量無數劫
菩薩於現在
濟度諸群萌
悉知因緣合
諸有疑難者
菩薩無畏力

降伏一切魔
世界若成敗
佛境無疑惑
一切如來所
智慧力成就
盡於未來際
究竟得解脫
一切地獄處
具足皆成就
又能分別知
菩薩為說法
悉於一切法

悉能為眾生
悉皆分別知
觀察三世法
淨信不可壞
智慧清淨故
饒益眾生故
無際生死中
受苦為眾生
悉能善分別
眾生種種業
以大慈悲心
解達空無我

滅除愚癡闇
若能如是觀
疑網永已除
信力安隱住
決定解真實
欲令一切眾
精勤不厭倦
功德智慧藏
一切眾生根
隨彼業對治
隨順世間行
一一音聲中

演說無量教

菩薩放大光

種種微妙色

悉照十方界

除滅一切闇

一一光明端

清淨寶華座

菩薩悉處上

為眾演說法

於一毛孔中

普見十方刹

彼刹妙莊嚴

諸佛菩薩會

一一如來所

無量眾圍繞

清淨妙智慧

明了眾生心

十方世界中

無量諸佛刹

菩薩神通力

一念悉遍至

恭敬供養佛

饒益眾生故

一一導師所

諮決甚深義

普於諸世尊

先起慈父想

饒益眾生故

分別菩薩行

明淨利智慧

解達深法藏

出生無量智

佛法無所礙

無量無數劫

分別說法界

劫數可究竟

法界無窮盡

平等觀諸法

其心無所深

不厭生死苦

智慧無障礙

無上佛種性

法界無窮盡

平等觀諸法

其心無所染

不厭生死苦

智慧無障礙

無上佛種性

三世法王家

一切如來法

菩薩由此生

清淨妙法身

應現種種形

猶如大幻師

所樂無不見

或處為眾生

究竟菩薩行

或復現初生

出家行學道

或於樹王下

自然成正覺

或處為眾生

示現入泥洹

現住甚深妙

無量自在法

聲聞辟支佛

一切莫能測

菩薩身口意

寂滅無生相

普應一切世

方便無不現

如是佛真子

境界甚深妙

眾生若思議

迷亂心發狂

一切悉具足

安住無礙智

普現諸如來

無量自在力

菩薩功德藏

世間無與等

何況最勝尊

無量難思議

菩薩雖未得

具足一切智

無量諸法門

究竟到彼岸

一切勝妙法

皆悉已具足

一向求菩提

究竟一乘道

於彼諸群生

善知時非時

為欲利益故

示現大神力

一身悉充滿

一切諸佛刹

演出淨光明

暉曜無倫疋

遍照十方界

除滅一切闇

普降妙法雨

如海大龍王

觀察一切法

虛妄猶如幻

煩惱業力故

生死常輪轉

以大慈悲心

普覆諸群生

清淨妙方便

度脫無量眾

菩薩功德力

與諸如來等

無量智慧海

清淨如虛空

無量無數劫

具修菩薩行

精進勤方便

欲度一切眾

眾生種種行

悉能分別知

今修清淨業

志求無上道

菩薩摩訶薩

行是勝妙法

決定不退轉

諦觀一切智

一切諸世界

無量難思議

菩薩能於彼

一念悉周遍

遠離虛妄想

其心如虛空

清淨法身一

普應一切世

湛然常不動

十方無不現

分別一切法

不取諸法相

了達一切法

其心無所染

濟度一切眾

而無解脫者

一切群生類

種種諸希望

善惡無記法

寂滅如虛空

隨順眾庶類

種種欲樂相

無量自在力

悉能應化之

猶如工幻師

能現種種身

菩薩自在力

充滿十方界

菩薩淨法身

悉能應化之

猶如工幻師

能現種種身

菩薩自在力

充滿十方界

菩薩淨法身

無量等虛空

隨眾所欲樂

一切無不現

其心無所深

真實無虛妄

清淨煩惱法

皆悉無所有

解脫非解脫

其心無所深

普施苦眾生

無上涅槃樂

悉於諸世間

智慧無所畏

具足眾相好

究竟無上道

一念悉分別

一切諸法相

去來現在世

求之無所有

菩薩觀前際

了達過去世

分別後際相

究竟亦如是

一切佛世界

分別皆悉知

除滅眾煩惱

具足諸功德

常好觀寂靜

究竟趣涅槃

樂無諍三昧

坐古

立

余

其心無所依

菩薩等實際

一切無與等

究竟堅固行

決定不退轉

彼修最勝行

寂滅無所依

其心常安任

不動如須彌

菩薩淨妙行

充滿諸法界

諸佛及菩薩

皆悉分別知

欲求導師慧

究竟最勝道

甚深一切智

無上解脫王

勇猛勤精進

速發菩提心

欲求最勝樂

應疾斷諸漏

菩薩摩訶薩

初發清淨心

彼心功德藏

說之不可盡

饒益眾生故

讚歎如來行

一心善諦聽

最勝所行道

無量諸佛刹

悉未為微塵

一塵置一刹

悉能分別知

是諸刹土中

一切諸如來

說初功德藏

猶故不可盡 善分別衆生 而無衆生想

善解一切語 而無言語想 甚深無礙智

分別諸世界 善解劫成敗 而無成敗想

清淨廣大心 猶如虛空性 明解三世法

一切諸世間 除滅諸煩惱 永盡無有餘

無礙寂滅觀 是則佛正法 十方世界中

一切如來所 一念悉遍至 其心無所染

善解不生法 如如真實際 一切種種相

皆悉無真實 無量不可數 一切諸如來

清淨眷屬俱 悉往禮供養 常樂問如來

甚深微妙法 一切諸菩薩 誓願清淨行

十方世界中 一切諸導師 一念悉覩見

而心無所依 一切三有中 最勝妙功德

以此清淨行 莊嚴諸佛刹 慧眼無章疑

而心無所依

一切三有中

最勝妙功德

以此清淨行

莊嚴諸佛刹

慧眼無障礙

善解一切生

分別無所有

遠離無染著

善解衆生根

煩惱及習氣

衆生種種欲

了達不思議

菩薩摩訶薩

先知衆生心

隨彼所應度

慧者為說法

善知時非時

衆生淨穢行

漸令彼清淨

究竟得解脫

無量那由他

甚深諸三昧

菩薩自在力

一念悉能入

三昧起住相

悉善分別知

無量諸境界

善解住起緣

如是等智慧

皆悉已具足

不久得菩提

一切無障礙

常為利衆生

正趣智慧光

彼能與衆生

無上丈夫法

悉能善分別

一切劫長短

晝夜及歲月

斯亦善觀察

正念不放逸

善解諸世間

分別諸佛刹

真實無差別

能善分別知

一切諸世界

於彼十方國

無有分別想

如是正觀察

十方諸世界

嚴淨一切國

而心無所著

成就智慧力

與諸如來等

是處非處力

分別知衆生

悉知衆生類

善惡諸業報

過去未來世

明達無障礙

一切諸世界

衆生種種性

於彼三有中

悉能分別知

一切羣生類

諸根上中下

菩薩摩訶薩

悉能分別知

一切衆生類

欲樂上中下

清淨不清淨

悉能分別知
永斷相續緣
正受禪解脫
次第知宿命
是則如來力
分別五道生
能起處處生
方便度衆生
是則人中雄
安住最勝力
無量諸佛刹
穢濁或清淨

分別知衆生
究竟離三有
垢穢清淨起
隨所更苦樂
一切善不善
究竟得涅槃
煩惱習已滅
滅垢具淨道
具足十種力
疑惑究竟滅
菩薩摩訶薩
種種妙莊嚴

一切至處道
一切諸三昧
悉能分別知
如是分別者
衆生煩惱業
諸漏若未盡
究竟無上道
慧者能分別
慧光除衆暝
一一毛孔中
一切皆悉見
隨彼諸行業

皆悉分別知

一一微塵中

一切諸佛刹

諸佛及菩薩

佛子皆悉見

諸刹不積聚

不亂不迫迮

一切入一刹

而亦無所入

十方諸國土

虛空法界等

能於一毛孔

具足分別知

普見十方界

一切諸最勝

微妙淨莊嚴

一切諸佛刹

一切諸如來

及彼嚴淨國

於一毛孔中

慧者皆悉見

三世差別相

一切諸法界

時節歲相續

分別得解脫

如是真佛子

具足無所畏

是名人中雄

明達智慧者

如是深法門

慧者悉分別

彼於如來所

恭敬喜無量

無量無數劫

長養功德藏

供養一切佛

度脫衆生故
彼智慧境界
所學皆成就
一切導師所
常飲法甘露
菩提無礙辯
猶如須彌山

無量自在力
與諸如來等
寂靜深法藏
恭敬尊重心
悉能善分別
甚深諸三昧
長養諸羣生

種種能示現
無量諸佛所
志樂無厭足
彼修菩薩行
長養智慧法
信心不可動
一切功德藏

大方廣佛華嚴經卷第九

坐

